

Gweithdrefn Bioddiogelwch

- Cyrraedd ar y safle gydag esgidiau ac offer GLÂN.
- Dilynwch y weithdrefn hon cyn i chi adael y safle.
- Osgoi ardaloedd gyda rhywogaethau a chlefydon ymledol anfrodorol pan fo hynny'n bosib.



Pecyn Bioddiogelwch

Darperir y pecyn bioddiogelwch sylfaenol canlynol:

Brwsh glanhau carn
Powdr diheintio Virkon
Potel chwistrellu
Menig

Efallai y dymunwch ychwanegu offer eich hun at y pecyn fel brwsh gyda dannedd stiff a chafn neu fwced i gymysgu cyfansymiau mawr o ddiheintydd yn ogystal â chyflenwad ychwanegol o ddiheintydd Virkon ac / neu Propeller.

Gweithdrefn Diheintio

Mae'r weithdrefn diheintio yn addas ar gyfer esgidiau trwm, dillad gwrth-ddŵr, teclynnau ac offer eraill. Cyrhaeddwch y safle gydag esgidiau trwm ac offer sydd bob tro'n LÂN. Dilynwch y weithdrefn ganlynol cyn i chi adael.

1. Glanhewch yr esgidiau a'r offer yn drylwyr. Cychwynnchw trwy grafu unrhyw fwd a phlanhigion gyda brwsh stiff / picen carn. Golchwch nhw'n iawn – efallai y byddwch angen mynd â dŵr efo chi os nad oes cyflenwad dŵr ar gael. Gellir defnyddio dŵr o bŵll neu afon.
2. Unwaith y maent yn edrych yn lân, gellir defnyddio diheintydd Virkon. Nodwch nad yw Virkon yn addas os oes yna risg o Phytophthora. Yn yr achosion hyn rhaid defnyddio diheintydd Propeller.
3. Gwisgwch fenig wrth gymysgu Virkon gan ei fod yn llosgi'r croen. Defnyddiwch un mesur o 10ml (darperir sgŵp) i 1L o ddŵr. Gellir ei gymysgu mewn potel i'w chwistrellu ar yr esgidiau / offer neu gellir cymysgu cyfanswm mwy mewn cafn. Ar ôl ei gymysgu gellir defnyddio Virkon nes bod y lliw pinc wedi diflannu (fel arfer o fewn ychydig wythnosau).
4. Bydd angen cael gwared ar y dŵr a ddefnyddiwyd a'r diheintydd a'u cadw oddi wrth nodweddion sensitif, yn ddelfrydol ar lawr caled ac yn bell i ffwrdd o ddyfroedd.
5. Cofiwch adael i'r offer sychu'n iawn cyn eu defnyddio eto.

Mesurau Ataliol

Os yn bosib ceisiwch osgoi rhag gweithio mewn ardaloedd gyda rhywogaethau ymledol anfrodorol. Wrth gwrs nid yw hynny'n bosib bob tro – yn enwedig os ydych chi'n gwneud gwaith ar safle i geisio cael gwared ar rywogaethau ymledol anfrodorol.

Os yn bosib ceisiwch osgoi mynd â cherbydau ar safleoedd, yn arbennig ardaloedd gyda rhywogaethau ymledol anfrodorol neu lle mae clefyd wedi torri allan. Os oes modd cofiwch gadw at y llwybrau a'r ardaloedd lle mae'r llawr yn galed - bydd hynny'n lleihau'r risg o gerbydau'n cario rhywogaethau ymledol anfrodorol a chlefydau o un safle i'r llall ac o gwmpas y safleoedd.